

UGOVOR

o nabavci usluga pranja službenih motornih vozila
za potrebe Ustavnog suda Bosne i Hercegovine

Zaključen između:

1. Ustavnog suda Bosne i Hercegovine, ul. Reisa Džemaludina Čauševića broj 6/III Sarajevo, koga zastupa Nataša Vuković, generalni sekretar Ustavnog suda BiH, u daljem tekstu: **Naručilac**,

i

2. Samostalne obrtničko – mehaničarske radnje „RO“, ul. Franjevačka 17, Sarajevo, ID broj 4300595140003, koju zastupa vlasnik Omeragić Mustafa, u daljem tekstu: **Isporučilac**,

Član 1.

Predmet ovog ugovora je nabavka usluga pranja službenih motornih vozila za potrebe **Naručioca** u skladu sa ponudom **Isporučioca** od 7. marta 2016. godine, koja je sastavni dio ovog ugovora.

Član 2.

Ugovorene jedinične cijene usluga iz člana 1. ovog ugovora definisane prihvaćenom ponudom **Isporučioca** od 7. marta 2016. godine su fiksne i mogu se mijenjati samo uz saglasnost obje ugovorne strane.

Član 3.

Isporučilac se obavezuje na plaćanje ukupne vrijednosti izvedenih usluga na osnovu mjesečne fakture i izvještaja o izvršenim uslugama, potpisanog od ovlaštenih predstavnika obje ugovorne strane.

Naručilac se obavezuje da će, s obzirom na sistem trezorskog poslovanja institucija BiH, odmah, a najkasnije u roku od sedam dana po prijemu fakture, fakturu proslijediti na plaćanje Ministarstvu finansija i trezora BiH.

Isporučilac je saglasan da **Naručiocu** neće zaračunavati kamate za zakašnjenje prilikom plaćanja preko Trezora, ako je **Naručilac** u ugovorenom roku predao nalog za plaćanje Trezoru BiH.

Član 4.

Naručilac se obavezuje da prati realizaciju Ugovora.

Izvođač se obavezuje da usluge iz ovog ugovora vrši prioritarno u odnosu na ostala vozila, da ih izvrši kvalitetno, te da **Naručiocu** omogući nadzor nad obavljanjem usluga.

Član 5.

Ugovor se zaključuje na period od godinu dana, odnosno do okončanja nove procedure odabira najpovoljnijeg ponuđača u skladu sa Zakonom o javnim nabavkama Bosne i Hercegovine.

Ugovorne strane mogu ugovor jednostrano raskinuti uz otkazni rok od 15 dana.

Član 6.

Na odnose između ugovornih strana koji nisu uređeni ovim ugovorom primjenjuju se odredbe zakona o obligacionim odnosima u BiH.

Član 7.

Ugovorne strane su saglasne da će eventualne sporove koji nastanu iz ovog ugovora rješavati sporazumno, a ukoliko se saglasnost ne postigne nadležan je Sud BiH u Sarajevu.

Član 8.

Ovaj ugovor stupa na snagu danom potpisivanja od obje ugovorne strane.

Član 9.

Ovaj ugovor je sačinjen u 4 (četiri) istovjetna primjerka, od kojih obje ugovorne strane zadržavaju po 2 (dva) primjerka.

Za Isporučioca:

Za Naručioca:

Omeragić Mustafa
Vlasnik



Broj: _____

Sarajevo, 16. 03. 2016

